

Bibila Samu ti Bana
kuvwanda na kati ya



Ntangu mosi
ya mpasi
samu na
Yesu



Yawu sonamaka na: Edward Hughes

Yina basisaka yawu ni: Byron Unger; Lazarus
Alastair Paterson

Yina yidikaka yawu ni: M. Maillot; Sarah S.

Samu na kusamuna yawu:
www.christian-translation.com

Yina mwangisaka nsangu ni: Bible for Children
www.M1914.org

©2025 Bible for Children, Inc.

Muswa: Nge kele na muswa ya kubasisa banongo yayi na
mutindu ya nkaka, kana nge zola to nge zola ve.



Ntangu Yesu
kuzwaka
mbotokolo,
Nzambi tubaka
mutindu yayi: "Yayi
ni mwana ya munu
ya ntima. Ni yandi
mu me soola na
kyese nyonso."
MPEVE YA
LONGO ya Nzambi
kulumukaka na zulu
ya Yesu mutindu
dibembe.



Na manima, Mpeve ya
Longo ya Nzambi
nataka Yesu na yinsi
ya kuyuma. Yesu
vwandaka kaka yandi
mosi.



Yesu minaka-nsoki ya makumi yiya
(40) ya bilumbu. Ya zola kutuba ti
yandi salaka bilumbu 40 ata kudya.
Yandi vwandaka na nsatu ya
kulutilla.



Bibila ke na kutuba ti ya vwandaka mpe na bibulu ya mfinda.



Satana kwizaka samu na kutonta Yesu. Na bantangu ya ntama, yandi tontaka Abalami na Eva yina mangaka na kutumama na Nzambi kuna na bilanga ya Edene. Ntangu yayi, ba ke meka Yesu.



Satana wandaka
na dibanza ya
kutonda Yesu,
Mwana ya
Nzambi.



Satana tubaka mutindu yayi: "Kana nge kele Mwana ya Nzambi, kitula matadi yayi, yawu kukuma mampa." Satana zabaka ti Yesu vwandaka na nsatu. Yandi zabaka mpe ti Mwana ya Nzambi vwandaka na lenda ya kukitula matadi na mampa. Yesu tumamaka na Dyabulu?



Ve! Yesu tumamaka ve na Dyabulu. Kasi, yandi tangunaka BIBILA YA LONGO na kutubaka mutindu yayi: "Muntu ke zingilaka kaka na mampa ve."



Na manima, Satana nataka Yesu na Yelusalemi mbanza ya nene, kuna na Yinzo ya Longo, kisika bantu vwandaka sambila Nzambi. Yinki Dyabulu zolaka sala na ntangu yina?



Satana tubaka mutindu yayi: "Kana nge kele Mwana ya Nzambi, losa nzutu ya nge na ntoto, samu ti Dyambu ya Nzambi ke tubaka ti 'bambazi ke vuukisa nge'."



Yesu vutulaka mutindu yayi: "Ve! Ya kele mpe ya kusonama... 'Nge lenda tonta ve Mfumu, Nzambi ya nge.'"






Dyabulu bikaka ve, yandi tatamanaka. Yandi nataka Yesu ntama na mbanza, na zulu ya mongo mosi ya yinda mingi.




Dyabulu lakisaka Yesu bimvwama
nyonso ya bimfumu nyonso ya
ntoto, yandi tubaka mutindu yayi:
"Fukama na mantwala ya munu mpe
mu ke pesa nge nyonso yayi."



Yesu tubaka: "katuka awa Satana! Ya kele ya kusonama... 'Nge fwana kusambila Mfumu Nzambi ya nge, kaka ni yandi nge fwana kusadila.'"



Dyabulu biaka Yesu samu na mwa ntangu. Na manima, dyambu mosi ya ngitukulu salamaka. Nzambi fidisaka bambazi samu na kukindisa Mwana ya yandi - mwana yina mangaka na kutumama na Dyabulu.



Ntangu mosi ya mpasi samu na Yesu

Nongo yayi ya nene me katuka na kati ya
mambu ya Nzambi, Bibila

yawu kele ya kusonama na kati ya

Matayi 4, Luke 4

"Luzabu ya mambu ya nge ke kyenzolaka, yawu ke
pesaka mayela na bantu yina zaba mingi ve."

Mikunga 119:130



Nsuka



Nongo yayi ya bibila, ya ke na kulakisa ti Nzambi kele mbote, ni yandi yidikaka beto mpe nge fwana kuzaba yandi.

Nzambi zaba ti beto salaka yimbi yina kotisaka beto na kati ya masumu. Difuti ya disumu kele lufwa, kasi Nzambi zola nge mingi, ni yawu yina yandi fidisaka mwana ya yandi kaka mosi, Yesu, yina kwizaka kufwa na kunlunsi samu na masumu ya nge. Yesu vumbukaka na lufwa mpe yandi vutukaka na zulu. Kana nge kwikila na yandi mpe kana nge lombana ya yandi mulemvo samu na masumu ya nge, yandi ke lemvokila nge! Yandi ke kwiza zinga na kati ya nge mpe nge ke zinga na yandi ya mankululu.

kana nge kwikila, nge ke kuma ya kuvedila, tuba mutindu yayi na Nzambi: Yesu, mu me kwikila ti nge kele mwana ya Nzambi. Nge kufwaka samu na masumu ya munu mpe nge vumbukaka na lufwa. Kota na luzingu ya munu mpe katula masumu ya munu, na manima, bika ti mu kuma muntu ya malu-malu, mpe ti kubanda bubu yayi, mu vwanda na nge ya mankululu. Sadisa munu samu ti mu kwikila na nge bantangu nyonso, mpe ti mu vwanda mwana ya Nzambi. Amen!

Tangu bibila mpe solola na Nzambi bilumbu nyonso! Yowane 3.16

